

樹

藝

篇

蔬部第五

蘿蔔

蔓菁

圓根

茄連

山藥

甘藷

黃獨

芋

香芋

蓼荷

蒿苳

苦苳

白苳

蕈
附石耳

木耳

石耳

樹衣

蘿菔

蘿菔三月下種四月可食五月下種六月可食七月下種
八月可食地宜肥土宜鬆澆宜頻種宜稀密則變大肥大
使民苗繁

或以蔓菁為蘆菔非也東坡有蔓菁蘆菔羹詩云自煮蔓
菁又云中有蘆菔根尚含曉露青則非一物錄大罪雪錄
今城都麪店中呼蘿菔為突子雖曰市井語意然亦有謂按
爾雅云茭蘿菔也郭璞以菹為菔俗呼電茭蓋其性能消
食解毒毒談苑云江東居民歲課藝初年種芋三十畝計
省米三十斛次年種蘿菔三十畝計益米三十斛可見能

消食也昔有婆羅門僧東來見人食麴駭云此有大熱何以食之及見蘿菔曰賴有此耳洞微志載齊州有病狂歌曰五靈華蓋晚玲瓏天府由來汝府中惆悵此情言不盡一丸蘿菔火吾宮後遇道士作法治之云犯大麥每按醫經蘿菔治麴毒即以藥并蘿菔治之遂愈以其能解麴毒故耳癸辛雜識

蘆菔蕪菁之屬根大而白生食能解麴毒下氣消痰爾雅曰葵方言曰陳楚之間謂之蔓趙魏之郊謂之大芥其紫花者謂之蘆菔一名來菔所謂溫菰是也來菔言來牟之所服也俗呼為蘿菔又一種春時有之形細長味脆美名

楊花蘿蔔過時則生筋不可食蘇州府志

六月種蘿蔔宜肥地撒種沙地猶佳瘦地用糞作壟種帶露耙地則生虫鋤不厭頻苗稠則小拔令稀則肥大霜降後或醃或藏窖皆可七月種遲農桑撮要

今南京八月間多紅蘿蔔江南人家喜筵取以供具

爾雅曰茭蘆菹

菹音

一名來菹又名電突今俗呼蘿蔔在在

有之北方者極脆食之無担中魚有迭稱者其質白其味辛甘猶宜生啖能解麪毒子可入藥下氣消穀四時皆可種然不如末伏秋初為善破甲以後便可供食老圃云蘿蔔一種而四名春曰破地錐夏曰夏生秋曰蘿蔔冬曰土

酥故黃山谷云金城土酥淨如練以其紫也種同蔓菁法

每子一升可種二十畦

畦可長一丈
尺闊四尺

擇地宜生耕地宜熟

地生則不蠹
耕熟則草少

凡種先用熟糞勻布畦內仍用火糞和子令

勻撒種之俟苗出成葉視稀稠去留之其去之者亦可供

食以踈為良

踈則根大
美密則反是

尺地約可二三窠厚加培壅其

利自倍欲收種子宜用九月十月收者擇其良去鬚帶葉

移栽之澆灌得所至春二月收子可備時種

宿根在地不
經種者為鮮

子種之齊
而不肥

按蔬茹之中惟蔓菁與蘿蔔可廣種成功速而

為利倍然蔓菁北方多獲其利而南方罕有之蘿蔔南方

所通美者生熟皆可食醃臠腊豉以助時饌凶年亦可濟

饒功用甚廣不可具述其可不知所種哉 王氏農書

種蘿蔔須肥良地沙軟地五月中耕地五六遍六月六日種鋤不厭多稠即根小至十月收窖之至臘月取根四破劈一尺一料厚上糞旱即澆之苗春肥莖如母指大煮食益人臘月取根于窖中作架倒懸着却窖口須即取用直至六月心不壞二月三月依前耕地三五遍若有陳子亦過立夏即種熟鋤至五月盡根大如拳此物益人作菹次種取苗生熟啖之若冬中根黃石英種埋之春初取英食之猶妙居家必用

菜菔俗呼蘿蔔又有一種葉似茴香根黃色味甘而香曰

胡蘿蔔 八閩通志

蘿蔔出金壇丹陽者美爾雅葵蘆葩注葩宜為服今土人尚呼葵子本草謂之萊菔又一種名葫蘿蔔鎮江府志

葵蘆葩爾雅釋曰紫花菘也俗呼溫菘似蕪菁大根一名葵俗呼雹葵一名蘆菔今謂之蘿蔔說者曰紫花菘溫菘皆南人所呼吳人呼楚菘廣南人呼秦菘方言曰蕪菁紫者謂之蘿菔劉盆子在長安掖庭中宮女幽閉掘庭中蘿菔根食之墜張威為青州刺史道家奴于人間攜蘆菔根坐廢于家即此也昔有婆羅門僧東來見食麥麴者云此大熟何以食之及見食中有蘿菔曰賴有此以解之耳自

相傳食麴必食蘿菔說苑曰江東居民歲課種藝初年種
芋三十畝計省米三十斛次年種蘿菔三十畝計益米三
十斛可知蘿菔消食也

出爾雅異
後閏

王旻好飲人食蘿菔根葉久食功多力甚養生之物也

五色

線集

蘿蔔有四種各隨其時正月下者名楊花二月可食三月下種名赤母四月可食五月下者名長頭麻地亦月可食七八月下者名過寒至冬乃肥大可食食之可久別有黃梅蘿蔔比長頭赤母畧大

七齋

蘿蔔亦有紅白二種白者為多耳

九江府志

張忠定公宰崇陽民有入市買菜者公召喻之曰邑居之民無地種植且有他業買菜可也汝村民皆有土田何不自種而廢錢買菜乎而遣之自後人家置圃至今謂蘆菔

為張知縣菜

續夢溪筆談

蘿蔔本草謂之萊菔其根有圓如盃盃者有長如臂指者生散之味辛醃而食之味香曝而脯之其香殊甚莆中菜脯此是一風味也又有紅蘿蔔及番蘿蔔色黃可點茶

吳化

府志

萊菔一名雹葵一名溫菰一名紫花菰吳名楚菰嶺南名秦菰河朔名蘆菔爾雅曰葵蘆菔俗呼蘿蔔鎮州者一根可重十六斤

草木畧

蘆菔蕪菁之屬出上海青龍管浦地根大而白生食能解麪毒下氣消痰爾雅曰葵方言陳楚之間謂之豐趙魏之

郊謂之大芥其紫花者謂之蘿菈一名萊菔言來牟之所服也亦曰溫菰俗呼蘿菈又一種暮春生形細長而味脆美名楊花蘿菈過時則生筋不可食松江府志

爾雅葵蘆

音蘿

葩註葩宜為菔蘆菔蕪菁屬紫花大根俗呼

苞葵

他忽切

疏紫花菔也俗呼溫菰似蕪菁大根一名葵

俗呼電葵一名蘆菔今謂之蘿菈是也

萊菔根味辛甘溫無毒散服及炮煮服食大下氣消殺去痰癖肥健人生搗汁服主消渴試大有驗唐本註云陶謂溫菰是也其嫩葉為生菜食之大葉熟噉消食和中根效在蕪菁之右今註俗呼為蘿菈唐本先附臣禹錫等謹按

蜀本圖經云名蘆荀生江北秦晉最多爾雅云萐蘆葩釋
曰紫花菰也俗呼溫菰似蕪菁大根一名萐俗呼雹萐一
名蘆葩今謂之蘆荀是也蕭云蘆荀根消食利關節理
顏色練五藏惡氣制麵毒凡人欲食過度生嚼嚥之便消
研如泥制麵作饅飪佳飽食亦不發熱亦主肺嗽吐血酥
煎食下氣孟說云蘿蔔性冷利五藏輕身根服之令人白
淨肌細日華子云蘿蔔平能消痰止咳治肺痿吐血溫中
補不足治勞瘦欬嗽和羊肉鯽魚煮食之子水研服吐風
痰醋研消腫毒不可以地黃同食

楊文公談苑江東居民歲果種藝初年種芋三十畝計省

米三十斛次年種蘿蔔三十畝計益米三十斛可知蘿蔔
消食也爾雅突蘆葩郭璞註葩為葍蕪菁屬紫花大根俗
呼雹蕪更始敗掖庭中宮女數百人幽閉殿門內掘蘿蔔
食之今蘿蔔是也

衍義曰萊菔根即前條所謂蘿蔔今人止謂蘿蔔河北甚
多登萊亦好服地黃何首烏人食之則令人髭髮白世皆
言草木中惟此下氣速者為其辛也不然如生薑芥子又
辛也何止能散而已萊菔辛而又甘故能散緩而又下氣
速也散氣用生姜下氣用萊菔

蘿蔔味甘溫平無毒散氣及炮煑食大下氣消穀去痰癖

痢關節鍊五藏惡氣治麴并豆腐毒止咳嗽療肺痿吐血
溫中補不足肥健人令膚肌白細生汁主消歇禁口痢大
驗同猪羊肉鯽魚煮食更補益服地黃何首烏者食之髮
白其莖葉氣性大率相類丹溪云熟者多食停滯腸間或
溢飲以其甘多辛少也本草謂之菜菔衍義云散氣用生
姜下氣用菜菔子治喘嗽下氣消食水研服吐風痰醋研
塗消腫毒一種胡蘿蔔味甘而用不及食物本草

菜菔今呼蘿蔔嫩葉可生食大葉宜熟噉消食和中夏佳
名夏蘿蔔夏至節前則發氣冬月有益一種形小而似燕
菁根多蒸食之名蔓菁蘿蔔味辛甘溫無毒能制麴及豆

腐毒凡飲食過度生食一枚便消煑食大下氣和羊肉鯽魚煑食治勞瘦咳嗽宜久食之同猪肉食補益人服地黃何首烏食之則鬚髮白主消穀食去痰癖利關節止咳嗽肺痿補不足生搗汁服主消渴吐血衄血日用本草

茱萸俗呼為蘿蔔即蕪菁也有二種一黃一白山陰志

山蘿服性寒狀如團中所種者土人用治癰疽搗汁服之查塗患處愈鴈山志

胡蘿蔔

胡蘿蔔宜三伏內治地作畦若地肥則漫撒子頻澆肥大
便民圖纂

六月種胡蘿蔔宜于伏內畦種或肥地漫種頻澆灌則肥
大農桑撮要

胡蘿蔔形長而下尖色黃而味甘香可以點茶乾之猶有
風味

諺云若要胡蘿蔔大音墮莫要放六月過其地不宜太鬆將
撒子時用麻油少許拌子中則蘿蔔黃亮出後須常澆灌
去草并刪其繁者令稀自然肥大允齋

胡蘿蔔根如蘆菔長而尖色赤味甘盛於冬月生吳松北

松江府志

蔓菁

蔓菁爾雅曰蒹葍從江呼為蕪菁或為菰菰蒹音相近蒹則蕪菁字林曰蕪蕪菁苗也乃齊魯云廣志云蕪菁有紫花者白花者種不求多惟須良地故墟新糞壞墻垣乃佳若無故墟糞者以灰為糞令厚一寸灰多則燥不生也一耕地欲熟七月初種之一畝用子三升從處暑至八月白露節皆得早者作蒹晚者作乾漫撒而勞種不用濕濕則地堅葉焦既生不鋤九月末收葉晚收則黃落仍留根取子十月中犁麤時拾取耕出者若不耕時則留者莢不茂實不繁也其葉作蒹者料理如常法擬作乾菜及蘗人丈

道者蘗沮者後年正月始作耳須留第一好菜擬之其蘗
法列後條割訖則尋手擇治而辦之勿待姜姜而後辦則
爛挂著屋下陰中風涼處勿令煙薰烟薰則苦燥則上在
厨積置以苦之積時宜候天陰潤不爾多碎折久不積苦
則澁也春夏畦種供食者與畦葵法同翦訖更種從春至
秋得三輩常供好蘗取根者用大小麥底六月中種十月
將凍耕出之一畝得數車早出者根細又多種蕪菁法近
市良田一頃七月初種之六月種者根雖粗大葉復虫食
七月未種者葉雖舊潤根復細七月初種根葉俱得擬
賣者純種九英九英葉根粗大雖堪舉賣氣味不味欲自

食者須種細根一頃取葉三十載正月二月作蘗道三載
得一奴收根依時法一頃取二百載二十載得一婢細剉
和莖飼牛羊全擲乞猪并得充肥亞于大豆耳一頃收子
二百石輸典壓油家三量成米此為收粟米六百石亦勝
穀田十頃是故漢桓帝詔曰洪水為災五穀不登令所傷
郡國皆種蕪菁以助民食然此可以度凶年救饑饉乾而
蒸食既甜且美自可藉口何必饒饒若值凶年一頃乃活
百人耳蒸乾蕪菁根法作湯淨洗蕪菁根漉著一斛甕子
中以葦荻塞瓮裏以蔽口合著釜上繫甕帶以乾斗熨然
火竟夜蒸之粗細均熟謹謹看牙真類鹿尾蒸而賣者則

收米十石也種菰蘿菹

蒲北及

法與蔓菁同菰菜似蔓菁

無毛而大方言曰蕪菁紫花者謂之蘆菹紫蘆菹根實粗大其角及根葉並可生食非蕪菁也諺曰生噉蕪菁無人收取子者以草覆之不覆則凍死秋中賣銀十畝得錢一萬廣志曰蘆菹一名電突崔寔曰四月收蕪菁及芥苳菹冬葵子六月中伏後七月可種蕪菁至十月可收也

蕪菁亦作蔓菁塞北名九英此菜生邊塞一名湏一名菴蕪一名葑苢見爾雅春食苗夏食心秋食莖冬食根菜之最益人者惟此爾多種可以備饑歲昔諸葛孔明所止輒令兵士種蔓菁云取其才出甲可生啖一也葉舒可煮食

二也久居則隨以滋長三也弃不吝惜四也田則易尋而採之五也冬有根可斷而食六也比諸蕪屬其利溥乎今三蜀江陵人猶呼此為諸葛菜大槩似菘而有頭南人取而種之初年相類至二三歲則變為菘矣惟河朔最多詩谷風采葑采菲即此葑也草木畧

六月種蔓菁耕地要熟一畝用子三升勻撒種葉可以採食至十月取根一畝可出數擔早收者根細如植饒年一頃可活百人其葉可作乾菜子可打油然燈甚明同芝蔴煉熟與清油無異

農桑撮要

蔓菁一名蕪菁爾雅曰葑說文蕪菁也即詩採葑採菲之

封也河東太原所出者根極大他皆大及又出吐穀中故
北地多種此葉似菘而根不同四時仍有春食苗夏食心
謂之薑子秋可為菹冬根宜蒸食菜中之最益者常食通
中益氣令人肥健其子九蒸九曝可擣為粉塗帛者資之
亦可為油陝西惟食此油燃燈甚明能變蒜髮王氏農書
蔓菁六七月可種凡種時以鰾魚汁浸其子晒乾種之無
出神隱

齊民要術云種不求多惟須良地新糞壞垣墻乃佳

糞若以灰

合厚一寸灰多燥不生也

耕地欲熟宜加糞往復勻盡七月初種之一

畝子三升漫撒而勞種不欲濕

濕則葉焦

既生不鋤九月末收葉

六月種者根大而葉蠹七月末種者葉美而根小惟七月

初者根葉俱得仍畱根取子十月中犁麓時拾出耕出者

不則留多而莢不茂實不繁也擬賣者純種九莢九莢根大而味

不春夏用畦種如葵法剪訖復種取根者用大小麥底六

月中種十月將凍取出之早出者可得數車漢桓帝詔曰橫

水為災五穀不登令所傷郡國皆種蔓菁以助民食然此

可以度凶年救饑饉以一種而兼數美為利甚博杜工部

有云冬菁飯之半豈虛語哉同上

公曰諸葛所止令兵士獨種蔓菁何綢曰莫不是取其才

出甲者生嚼一也葉舒可煮食二也久居隨以滋長三也

弃去不惜四也回則易尋而採之五也冬有根可斷食六也
比諸蔬屬其利不亦博乎曰信矣三蜀之人今呼蔓菁
為諸葛菜江陵亦然劉公嘉話

種蕪菁須肥地犁耕六七遍甚不厭細七月半後種之子
欲得陳以鰻鱖魚汁浸之曝乾之必無虫食冬收苗後間
斫取根別本作別害藏之亦可煮食之冬至後熟耙耨上糞留
子斫即不科別本作冬至後熟上糞居家必用

蕪菁嶺嶠以南俱無之偶有士人因官攜種就彼種之出
地則變為芥亦橘種江北為枳之義也至曲江方有菰彼
人謂之秦菰南方草木狀

谷風曰采葑采菲無以下體毛氏曰葑須也菲芴也下體根莖也箋云此二菜蔓菁與菹之類也皆上下可食然其根有時而美惡

石胡荽

石胡荽寒無毒通鼻氣利九竅吐風痰不任食亦去腎熱按內鼻中醫自落俗名鵝不食草

采之者不以根惡時并弃其葉據鄭此註則封為蔓菁之類非為菑之類耳至解桑中曰爰采封矣沫之東矣則曰○○

註亦云封蔓菁也陳宋之間謂之封陸機云葍蕪菁幽州人或謂之芥方言豐蕪蕪菁也陳楚謂之豐齊魯謂之蕪關西謂之蕪菁趙魏之部謂之大芥豐與葍字異而音同則葍也須也蕪菁也蕪蕪也蕪也芥也七者一物也蔓菁南北通有之北土種之尤多四時仍有春食苗夏食心秋冬食根菜中之最有益者塞北辟沔河朔間燒食其根呼為蕪根猶是蕪菁之號昔漢桓帝永興中令災傷郡國皆

種蔓菁以助民食劉備歸曹公公始覘之閉門將人種蔓菁而諸葛亮所止令軍士獨種蔓菁者取其才出甲可生啖一也葉舒可煮食二也久居則隨以滋長三也弃不令惜四也回則易尋而採之五也冬有根可斲而食六也三蜀江陵之人今呼為諸葛菜蔓菁根葉及子乃是菰類與蘿菈全別陶隱居言其子與蘆菔子相似魚言小葷文說者疑江表不產汪失其真耳有人將菰菜北種初一年半為蕪菁二年菰種都絕將蕪菁子南種亦二年都變其子亦隨色變大率菰子黑蔓菁子紫赤大小相似蘆菔子黃赤而大又不圓也亦梗長葉瘦高者為菰葉濶厚短者為

燕菁荆楚歲時記十一月採經。

。雜菜乾之

為醃菹有得其和者並為金釵色菹既甜脆汁亦酸美呼
莖為金釵股醒酒所宜也急就章曰老菁蘘荷冬日藏詩
曰我有旨蓄亦以御冬蓋此之謂也按禹貢荊州包匭菁
茅孔子曰菁以為菹呂氏春秋亦曰菜之美者具區之菁
則菁之見貴舊矣然說者或以菁茅為茅之名而言老菁
冬藏者為韭花云今蔓菁園中無蜘蛛是其所畏也南都
賦秋韭冬菁註廣雅曰韭其華謂之菁爾雅翼

蘿蔔大者重十斤一統志

哈烈

燕菁及蘆服味苦溫無毒主利五藏輕身益氣可長食之

蕪菁子主明目

圖經曰蕪菁及蘆菔舊不著所出州土今南北皆通有之
蕪菁即蔓菁也蘿菔即下菜服音今俗呼蘿菔是也此二
菜北土種之尤多蕪菁四時仍啗春食苗夏食心亦謂之
蔓子秋食莖冬食根河朔猶多種亦可以備饒歲菜中之
最有益者惟此耳常食之通中益氣令人肥健其實夏秋
熟時採之南人取北種種之初年相類至二三歲則變為
松矣

葉似蔓菁味苦多刺即諸葛菜也名馬玉菜

漢蠻叢笑

蔓菁味溫無毒利五藏消食益氣令人肥健可常食北方

種之甚多春食苗夏食心秋食莖冬食根菜中最有益于用者南方地不同所種形類變矣

食物本草

蕪菁葉即蔓菁根即來菔今呼蘿蔔夏則枯繼種而生甲白名鷄毛菜味苦溫無毒多食令人氣脹四時皆有春食苗夏心亦謂之臺子秋食莖冬食根多種可以備饒歲菜中有益可常食主利五藏通中益氣消食

日用本草

菜子油取蕪菁子壓油塗頭變蒜髮入面脂去皺研子水和服治熱結不通當瀉下惡物沙石草木並出又利小便

日用本草

爾雅曰須蓴蕪註蓴蕪似羊蹄葉細味酢可食疏按得谷

風云採葑采菲毛傳云葑葑也先儒即以葑對從當之孫
炎云葑一名葑葑今郭註上葑葑云未詳註此云葑葑似
羊蹄葉細味酢可食則郭意以毛云葑葑謂此葑葑也坊
記註云葑葑也陳宋之間謂之葑陸機云葑葑青幽州
人或謂之芥方言云葑葑葑葑也陳楚謂之葑葑齊魯謂之
葑葑西謂之葑葑趙魏之部謂之大芥葑葑與葑字雖異音
實同則葑也葑也葑葑也葑葑也葑葑也芥也七者
一物也

詩釋文草木疏云葑葑葑葑郭璞云今菰菜也案江南有
葑江北有葑葑相似而異張文潛詩葑葑至南皆變菰菰

記聞

美在上根不食瑤簪玉筍不可見使我每食思故國因學

圓根

圓根似蘿蔔而圓菁色味甘苦

一統志甘肅

根子菜根似蔓菁又似蘿蔔俗呼根子菜他處皆無惟安
陸有之一統志

茄蓮

茄蓮葉似藍根似蘿蔔味甘脆一統志

善菜

苦葉菜

羊角菜

出武義

山藥

先將肥地鋤鬆作坑揀山藥上有白粒芒刺者以竹刀切作段約二寸許相挨排卧種之覆土厚五寸旱則水澆宜牛糞麻粃壅培專忌人糞生苗以竹四扶架霜降後收子種亦得立冬後根邊四圍寬掘深取則不碎一名黃獨其味與山藥同以黍豆穀麻粃或小便草鞋包種之四畔用灰則無虫傷損

種山藥須每年易人仍不可犯手種項碎錄

種山藥以手則細瘦以鋤鑿則大同上

種山藥法用蘆發固實之以土種于其中至欲用則斫固

以取甚省力同上

山藥即薯蕷子亦出南翔土人種以為產有粳糯二種姑蘇志

山藥即薯有扁有佛手煮之易軟者為糯粳者反是種後隔一年者猶肥大故種山藥者宜作二處一處當年食一處隔年食明年又種一處以待又明年然非易地及地之肥鬆者不可

種山藥法先掘一溝長丈許闊三尺許四尺許底鋪磚用糞土填滿水實定插山藥蘆頭時勿用手插則瘦長以鐵鏟下之則大須每年易人而種之如種雞冠花坐種則矮

立種則與人齊手種則花皆成穗簸箕扇子種其花則成
片其理一也 居家必用

種薯蕷擇取色白根如白米粒成者預取収子作三五大
坑濶三尺長一丈深五尺下密布磚坑四畔一尺許高側
布磚以防別入傍土中生根即難采坑中磚上填少許沙
土和糞令滿三行下子種之待苗出著架引蔓令上經三
年以後根其麓斟酌一坑可得一年以來食之出盡還填
土布子種之常須如此豈備遠尋山谷採掇辛勤哉如無
子直取細根截三寸以上種之若収得子即勝也其坑四
畔緣作盆狀以備旱取其子亦堪蒸食曾得子如荊鷄子

者食子稍愈于根此種出蜀中若得善不可加此物園四畔種之不備園中好地

又法子熟時収子便種只要肥土令半入土不得埋盡即爛不生待苗生後移于破盆甕中着肥沙土和牛糞及油麻楷填入盆甕裏土中深三二寸埋之經二年滿盆若種粗根當年堪取居家必用

山藥皮褐肉白如鼠尾者名山藥皮黃黑而匾者名諸生于山者名薯蕷味甘平無毒鄭越所出名土諸主傷中泄精補虛羸益氣力長肌肉除邪氣止腰痛虛勞日用本草山藥經曰景山北望少澤其草多諸藥郭璞云根似芋可

食今江南人單呼諸音語或有輕重耳按諸與二字或音如儲余范蠡計然曰儲與本出三輔白色者善是也或音如署預本草署預味甘溫是也唐代宗諱預故呼署藥至本朝又諱上字故今人呼為山藥一名山芋秦楚名玉延鄭越名土諸今近道處處有既入藥又復可食人多掘食之以充糧異苑曰若欲掘取嘿然則獲唱名便不可得人

有植之者隨所種之物而象之

爾雅翼

薯蕷今呼山藥蔓生莖紫葉青有三尖角似牽牛而光澤開細白花結實如鈴生山谷間根細如指白色極緊實刮磨入湯煮之作塊不散味更珍美食之猶益人過于家園

種者又有一種根如姜芋之類而皮紫大者一枚可重斤
餘刮去皮煮食之俱美但性冷于山藥耳土人呼為諸音
殊

八閩通志

薯蕷茅山有一種形如手掌名佛掌薯鎮江府志

大薯種于圃極大者可四五斤重山薯蕷出于岩石二者
皆農家所恃以助歲計者溫州府志

圖經曰薯蕷生嵩高山谷今處處有之以北都四明者為
佳春生苗蔓延離援莖紫葉青有三尖角似牽牛更厚而
光澤夏開細白花大類棗花秋生矣于葉間狀如鈴二月
八月採根今人冬春採刮之白色者為上青黑者不堪暴

乾用之法取麤根刮去黃皮以水浸末白礬少許摻水中
經宿取淨洗去延焙乾近都人種之極有息春取宿根豆
以黃沙和牛糞作畦種苗生以竹稍作援援高不得過一
二尺夏月澍溉之當年可食極肥美南中有一種生山中
根細如指極緊實刮磨入湯煮之作塊不散味更珍美云
食之尤益人過于家園種者又江湖間中山一種根如姜
芋之類而皮紫極有大者一枚可重斤餘刮去皮煎煮食
之俱美但性冷于北地者耳彼土人單呼為諸音若殊亦
曰山諸而山海經云景山北望少澤其草多諸蕪音與諸
類同郭璞註云根似芋可食今江南人單呼諸音諸語或

有輕重耳據此註則著韻與諸乃一種南北之產或有不
同故其形類差別然字音殊儲不同蓋相傳之訛也一名
山芋

衍義曰山藥按本草上一字犯韻英廟諱下一字曰韻唐
代宗名預故改下一字為藥今人呼為山藥如此則盡失
當日本名慮雖久以山藥為別物故書之此物貴生乾方
入藥其法冬月以布裹手用竹刀子刮去皮于簷下風遠
處盛竹篩中不得見日色一夕乾五分候全乾收之惟風
緊則乾速所以用乾之意蓋生濕則滑不可入藥熟則只
堪啗亦滯氣

山藥高行鄉出劉子高詩種山中玉修圓故自勻野人尋
得慣帶雨斷來新味益丹田煖香疑石髓春商芝亦何事
空負白頭人泰和志

山藥故名薯蕷因避前代帝王諱改今名本草謂補中益
氣功效甚廣漳州府志

山藥味溫平無毒主傷中補虛羸除寒熱邪氣補中益氣
力長肌肉又云主頭面遊風頭風眼眩下氣止脚痛補勞
瘦充五臟除煩熱強陰久服耳聰目明輕身不肌延年生
山中者良又云安魂魄鎮心神本草謂之薯蕷江南人呼
為諸南地種之但性冷于北地者耳食物本草

山藥本名著預唐代宗名豫改為藥英屈諱上一字却呼

預藥倦游雜錄

山藥小而長白色俗呼藥薯薯則形如薑而大俗呼掌薯
邵武府志

預藥一名玉延又名修脆紫莖細蔓葉似牽牛而光澤開
細白花結實如鈴根白色而膩毘陵志

山藥差小于薯而白嫩脆過之建昌府志

薯預性寒有紅白二色產于岩石竹樹間者味清而甘堪
入藥入圃種者味猶佳不堪入藥可入飲食用廬山志

薯預曰山預曰修脆曰諸預曰兒草秦楚名玉延鄭越名

土著齊名山芋草木畧

山藥即薯蕷子一名玉延性有粳糯形有佛手直腳品低

松江府志

甘藷

甘藷蓋薯芋之類或曰芋之類根葉亦如芋實如拳有大如瓦者皮紫而肉白蒸鬻食之味如薯蕷性不甚冷舊珠崖之地海中之人皆不業耕稼惟掘地種甘藷秋熟收之蒸晒切如米粒食圖貯之以充糧糗是名藷糧北方人至者或盛具牛豕膾炙而末以甘藷薦之若粳粳然大抵南人二毛者百無一二惟海中之人壽百餘歲者由不食五穀而食甘藷故耳南方草木狀

薯有數種白者為勝紫次之青黑為下種法開地深廣二三尺連底築之先布腐草肥爛芋物上布沙土取薯切片

分種之苗生用竹作援引之其根入土得肥其實最蕃與
化府志

薯皮紫而肉白脆膩堪食

建昌府志

南方草木狀曰甘藷二月種至十月乃成邠大如鷄卵小
者如鴨卵掘食蒸食其味甚甜經久得風乃淡泊出交趾
武平九真興古也異物志曰甘藷似芋亦有巨魁剥去皮
肌肉正白如脂肪南人專食以當米穀蒸炙皆香美賓客
酒食亦施設有如果實也

齊民要術

黃獨

讀書有義未通而輒改字者最學者大病也老杜同谷詩有黃精無苗山雪盛後人所改也其舊乃黃獨也讀者不知其義因改為精其實黃獨自一物也本處謂之上芋其根唯一顆而色黃故名黃獨耳饒歲土人掘食以充糧故老杜云耳明道雜志

黃獨出茅山莖蔓花實絕類山藥葉大而稍圓根如芋而有鬚味微苦鎮江府志

黃珍葉似山藥無枝而薄亦蔓生結子霜後採之明春投于地發苗結子而土中子更長大可食太倉州志

黃獨多山東鄉似芋可食一名土卵經雪味佳杜詩黃獨
無苗山雪盛即此虞伯生詩曰雪深深斷黃獨別一種名
赭魁主腹積聚除生虫非此類也松江府志

芋

芋一名蹲鴟大者名芋魁傍生小者為芋芳其苗亦可作
菹一種出嘉定名博羅姑蘇志

芋其種揀圓長尖白者就居南簷下掘坑以龍糠鋪底將
種放下稻草蓋至三月間取出埋肥土待苗發三四葉于
五月間擇近水肥地移栽其科行與種稻同或用河泥或
用灰糞爛草壅培早則澆之有草則鋤之若種早芋亦宜
肥地便民圖纂

種芋區方深皆三尺取豆箕納區中踐之厚一尺五寸取
區上滋土與糞和之納區中其人令厚尺二寸以水澆之

足踐令勻取五茅子置四角及中央頻用水澆箕爛茅生子皆長三尺一區收三石鎖碎錄

正月先將園地鋤過一遍又以新黃土覆蓋蓋鋤過地上都將茅芽向上密排種之用草覆蓋候發出三四葉約四五寸高于三月間移栽之

農桑撮要

茅有紫白二種紫茅出茅山

鎮江府志

茅說文曰大葉實根駭人取謂之茅徐鍇曰茅猶吁吁驚辭故曰駭人又曰齊謂茅為芎陶隱居云種茅三年不收後旅生茅然則茅之與芎本同末異耳卓王孫有云吾聞岷山之下沃野下有薄鵠至死不饒詳其始意本謂壤土

肥美粒米狼戾鴟鵂下啄曰蹲伏不去耳而前世相承謂
蹲鴟為芋言蜀川出者形圓而大狀若蹲鴟云羊或訛作
羊故南朝有謝人饋羊者以蹲鴟為言顏之推記之以訓
子孫唐開元中蕭嵩奏請註文選東宮衛佐馮光進解蹲
鴟云今之芋子即是着毛蘿蔔嵩聞大笑又芋之大者前
漢謂之芋魁後漢書謂之芋蕒渠魁皆言大也廣志又言
有君羊車轂芋等凡四種大如瓶葉如繖蓋湘色紫莖長
丈餘易熟長味芋之最善者也有百菓芋畝收百斛又有
百子芋凡為十四種而本草唐本註有青芋紫芋白芋等
凡六種青芋毒多須汁易水煮熟乃堪食紫芋正爾蒸煮

食之白芋等魚肉作羹大佳野芋大毒不堪噉也蜀李維
克成都衆甚饒餒乃將民就穀于剗掘野芋食之芋之為
利厚矣爾雅翼

芋有泥芋乾芋二種九江府志

水芋膚細旱芋肉滑兕芋子多又有山芋廔芋紫芋溫州府志

芋味辛平有毒主寬腸胃充肌膚滑中一名土芝本草經

陶隱居云錢塘最多生則有毒蚤秋不可食性滑下石服
餌家所忌種芋三年不採成招呂芋又別有野芋名老芋
名老芋形葉相似如一根並殺人人不識而食之垂死者
佗人以土漿及糞汁与飲之得活唐本註云芋有六種

有青芋紫芋真芋白芋連禪芋野芋其青芋長細毒多初
煮須要灰汁易水煮熟乃堪食爾白芋真芋連禪芋紫芋
毒少並正爾煮蒸啖之又宜冷嗽療熱止渴其真白連禪
三芋燕肉作羹大佳導鴟之饒蓋謂此也野芋大毒不堪
嗽也臣禹錫等謹按孟詵云芋白色者無味紫色者破氣
煮汁飲之止渴十月後晒乾收之冬月食不發病佗時月
不可食又和鯽魚醃魚作臠良久令人虛勞無力又煮汁
洗賦衣白如玉亦可浴去身上浮風慎風半日陳藏器云
芋今功外食之令人肥白小者極滑吞之開穢及腸閉產
後煮食之破血飲其汁止血渴芋有八九種功用相似野

芋生溪澗非人所種者根葉相類耳取根醋磨傳患瘡疥
癰入口毒人又有天荷亦相似而大也 證類本草

岷山之下凶年以蹲鴟為糧不復疫癘知此物之宜人也
本草謂芋土芝云益氣充饑惠州富此物然人食此物者
不免瘡吳遠游曰此非芋之罪也芋當去皮濕紙包煨之
火過熟乃熟噉之則鬆而膩乃能益氣充饑今惠州人皆
和皮水煮冷淡堅頑少味其發瘡固宜丙子除夜前兩日
夜饑甚遠游煨芋兩枚見啖甚美乃為書此帖卧游錄
芋一名土芝一名蹲鴟味平水田宜種之莖可作羹臠及
菹又云愈蜂螫其頭大者為魁小者為子荒年可以度饑

小兒食之滯胃氣有風疾者忌食之食物本草

芋頭有六種青芋紫芋真芋白芋蓮禪芋野芋性相似野

芋大毒不可食味辛冷滑有毒青芋細長毒多初煮要汁

灰汁易水煮熟堪兼肉作羹大佳冬月蒸食不發病他時

不可食生則戟人喉同鯉魚鯽魚作臠食令人虛勞無力

芋子即四邊附生者多食發痼疾炊煮服之喜動風主寬

中腸胃充肌膚滑中下氣補虛破血日用本草

服風藥禁食芋不惟無効亦甚相反楊誠齋語此嘗見人

立至于死常航紀談

閩皂山一寺僧甚專力種芋歲收極多杵之如泥造甍為

墻後遇大饑獨此寺四十餘僧食芋塹以度凶歲

五堂閑話

芋一名土芝一名蹲鴟水田宜種之其莖可作羹臠又為菹其頭大者為魁小者為子一魁有數子環抱之荒年可以度饑晦翁詩沃野無荒年正得蹲鴟力是也興化府志芋俗呼芋為宜水者曰水芋宜陸者曰旱芋山陰志

三月種芋子宜近水肥地種每窠根邊用盂過桑豆穀壅之或用麻灰糞牛羊踏過爛草壅其周則易長大有草宜頻鋤之旱則以水澆之人家園邊水側皆可種忽值饑年可接糧食用

同上

六月鋤芋宜侵晨露未乾及雨後耘鋤若大熱日中耘則

薦灰糞蓋則茂鉏得根旁虛則芋大多子同上

八月放芋根此月芋苗正旺鉏開根邊土却上肥泥壅根及蟠得葉則力回芋頭其子肥大不然苗盛芋小同上

芋一名土芝齊人曰呂蜀呼為薄鴿在在有之蜀漢為最

顏師古註薄鴿芋也葉如荷長而不圓莖微紫乾之亦中食根白亦

有紫者其大如斗食之味甘旁生子甚繁拔之則連茹而

起宜蒸食亦中為羹臠東坡所謂玉糝羹者此也煮法宜

先用鹽微滲之則不模糊廣志所載凡十四種其大如斗

魁如杵簍者名君子芋少而魁大者為淡善芋子多而魁

亦大者為百果芋畝收百斛又有車轂鋸子青邊旁巨四

種亦多子他如緣枝生而色之黃者則有鷄子芋蔓生而

根如鵝鴨卵者則有博士芋餘悉下品不復具錄凡此諸

芋皆可乾腊亦可藏至夏食之種宜軟白沙地近水為善

芋畏旱故區深可三尺許區行款寬寬則過風芋本款深

深則根大漸二尺一根漸春宜種秋宜壅立夏種不生卯秋

霜降拔其葉使收液以美其實則芋愈大而愈肥泥勝之

書云區方深各三尺下實豆箕尺有五寸以糞著箕上深

如其箕一區種五本復以糞土上復之旁四本中一本芋

成箕爛皆長三尺此亦良法今之農不然但於淺土秧子

俟苗成移就區種故其利亦薄其可不知此法按列仙傳

云酒客為梁丞使民益種芋三年當大飢率如其言而梁民得不死卓氏曰岷山之下沃野有蹲鴟至死不飢且夫五穀之種或豐或歉天時使然芋則繫之人力若種蒔有法培壅及時無不獲利以之度凶年濟饑饉助穀食之不及故次于稼穡之後王氏農書

種芋宜揀肥地近水處斷其旁以種旱即澆之以水有草即耘鋤之不厭頻治芋如此其收常倍救饑饉度凶年莫善于此也記勝之書曰區種芋法作區方深皆三尺取豆箕納區中足踐之厚尺五寸以水澆之令保澤取五芋置四角及中央足踐之旱數澆之其豆箕爛後芋作子皆長

三尺一區收三石也

別本作一石

二月三月可種按列仙傳云

酒客為梁丞使人益種芋三年當大饒悉如其言梁人得不死又廣志云蜀漢既繁芋民以為資凡十四等有君子芋大如斗魁塊如盂更有百果芋魁大子繁兩畝收百斛凡此諸芋皆可乾腊又可藏至夏食之芋有六種一直芋二連禪芋三紫芋四毒芋五野芋六青芋有毒必須灰汁易水煮乃堪食只宜蒸啖之又宜療熱止渴野芋大毒殺人三年不収即成野芋芋生性滑下石毒服食皆忌之茅山玄靖先生歡芋食芋云補益氣無比凡人家須多種以備凶年居家必用

芋本草圖經云蜀川生者形圓而大狀如蹲鴟謂之芋魁
閩中出者形長而大小者如卵生于大魁旁食之猶美八
閩通志

芋大者長一尺二三寸 一統志

隴川宣撫司

說文曰芋大葉實根該人者故謂之芋齊人呼為芋廣雅
曰蕒芋其葉謂之蕒必否藉姑水芋也亦曰烏芋廣志曰
蜀漢既繁芋民以為資凡十四等有君子芋大如斗魁如
杵簇有卓穀芋有鋸子芋有芳巨芋有青邊芋此四芋多
子有談善芋魁大如瓶少子葉如散蓋紺色紫莖長丈餘
易熟長味芋之最善者也莖可作羹臠肥繼得飯乃下有

蔓芋緣枝大者次二三聲有鷄子芋色黃有百菓芋取而
 子繁多畝收百斛種以百畝以養蔬有旱芋七月熟有九
 面芋大而大美有象芋大而弱使人易飽有青芋有素芋
 子皆不可食莖可為茹凡此諸芋皆可乾腊又可藏至夏
 食之又百子芋出葉俞縣有魁芋無旁子生永昌縣有大
 芋二升出范陽新鄭風土記曰博土芋蔓生根如鵝鴨卵
 泥勝之書曰種芋區方深皆三尺取豆其內區中足踐之
 厚尺五寸取區上濕土與糞和之內區中箕上令厚尺二
 寸以水澆之足踐今保澤取五芋子置四角及中央足踐
 之旱數澆之箕爛芋生子皆長三尺一區收三石又種芋

法宜擇肥緩土近水處和柔糞之二月注雨可種芋率二尺下一本芋生根欲深斷其旁以緩其土旱則澆之有草鋤之不厭數多治芋如此其收常倍列仙傳曰酒客為承使民益種芋三年當大饒率如其言梁民不死按芋可以救饑饉度凶年今中國多不以此為意後生有耳目所不聞見者及水旱風虫霜雹之災便能饒死滿道白骨交橫知而不種坐致民滅悲夫人君若要可不督課之哉

崔寔曰正月可道芋家改法曰二月可種芋也圖經曰芋本經不著所出一作陶隱居註云錢塘最多今處處有之閩蜀淮甸一作道此種類亦多大抵性効相近蜀川出者形

員而大狀若蹲鴟謂之芋魁彼人時之最盛可以當糧食而餒饒年左思三都賦所謂蹲鴟之沃則以為濟世陽九是也江西閩中出者形長而大葉皆相類其細者如卵生大魁旁食之尤美不可過多乃有損也凡食芋並須周圍時者其野芋有大毒不可輒食則殺人惟土漿及糞汁解之說文解字云濟人謂芋為𣎵陶云種芋三年不採成莖二音相近蓋南北之呼不同耳竹義曰芋所在有之江浙二川者最大而長京洛者差員小而惟東西京者佳他處味不及也當心出苗者為芋頭四邊附芋頭而生者為芋子八九月已後可食至氣困脾唐杜甫詩曰園收芋栗不

全貧者是此以梗捺蜂螫處即愈

芋有水芋旱芋二種形味頗同又有大者俗呼為芋頭芋
即昔人云大者如導鴟謂之芋魁者也 太倉州志

今按芋有水旱二種是也然大芋即水芋中之大者旁附
皆小非別為一種也本草芋在果部今改入蔬部中七齋
芋一名土芝一名導鴟水田宜種之其莖可作羹臠及茹
其頭大者為魁小者為子一魁有數子環抱之荒年可以
度饒晦庵詩云沃野無荒年正得導鴟乃本草謂芋莖可
愈蜂螫處即武府志

藟一名躑鴟本草名土藟其大如瓠皮紫而肉白者名藟

東坡詩云作玉糝羹毘陵志

芋有二種宜燥地者名火芋宜濕地者名麩芋建昌府志

芋曰土芝其母曰芋魁史記蜀卓氏曰汶山之下沃野有
導鵠至死不饒正謂芋魁蓋其形似也
草木畧

芋古名蹲鵠大者為芋頭旁生者曰芋芳其苗松嫩可作
道蘇之西境多種水田曰水芋此名旱芋松江府志

香芋

落花生附

香芋出嘉定南翔色微黃香味可食別一種引蔓生花花落即生名落花生雖類香芋而味不及姑蘇志

藤之類有香芋似芋頭而小味特香有落花生七八月間藤開黃花其花墮地即生故名形似香芋差小而味殊勝練川圖記

王氏農書所謂緣枝生而色之黃者為鷄子芋疑即香芋也蔓生而如鵝鴨卵者為博士芋即落花生也允齋

落花生藤蔓莖葉似扁豆開花落地一花就地結一果大如桃深秋取食之味甘美異常人所珍貴食物本草

香芋根實員與山藥不同又有落花生其莖葉與香芋同而花脫墮地上即結子小于香芋味甘美太倉州志

今按香芋落花生皆芋類而各自為種香芋形員而落花生形長香芋味甘而落花生味苦香芋肉粗而落花生肉細香芋蔓高而落花生蔓短此其別也落花生在水後收有甘者其肉細膩可口當居香芋之上比山藥種之宜早二月初即宜治畦分種三月中扞竹引蔓地肥則子大亦有不必修種而自出者吳下鄉俗皆珍重之以相饋遺或和肉或點茶或供酒而嘉定之南翔諸處號為土產云元齋香芋皮黃肉白甘美可食莖葉如匾豆而細別一種引蔓

開花花落即生名落花生類落芋而味不及松江府志

藁荷

藁荷芥藁說文曰藁荷一名菑粗搜神記曰藁荷或謂嘉
草爾雅曰芥楚葵也本草曰水蘄一名水英藁菜以荆詩
義疏曰藁苦葵青州謂之芑藁荷宜在樹陰下二月種之
一種永生亦不須鋤微須加糞以土覆其上八月初踏其
苗令死不踏則根不滋潤九月中取旁生根為苗亦可醬
中藏之十月中以穀麥種覆之不覆則凍死二月掃去之
食經藏藁荷法藁荷一石洗漬以苦酒六斗盛銅盆著火
上使小沸以藁荷稍稍投之小萎便熟着席上令冷下苦
酒三斗以三升鹽煮中乾梅三升使藁荷一行以鹽酢澆

上綿覆出口二十日便可食矣葛洪方曰人得蠱知姓名者取蓂荷葉著病人臥席下互呼蠱主名也齊民要術

茨露子宜肥地熟鋤取子稀種其葉上露珠滴地一點出一株其根皆如連珠洎耕淨方勝使民圖纂

蕺菜荷狀如蚕蛹俗呼称甘露子或云治虫毒冬月間藏菜為鹽齏雜以此物味極甘脆急就章曰老青蕺荷冬日藏盖收蕺荷与菜並蓄之蘇州府志

甘露子三四尺一窠蒸煮食之味如百合須要耘到神隱

甘露子蔬屬也苗長四五寸許根如累珠味甘而脆故名甘露也亦有野甘露凡種宜于園圃近陰地春時種之用麦糠為糞地宜治潤為佳至秋乃收生熟皆可食用蜜或醬漬之作豉亦得今詳其功用因蔬中之不可遺者務本

名豈非由是而得歟然其味之美亦誠足稱其名矣

王氏

農書

藁荷似腦苴而白腦苴色紫花生根中花未散時可食久置則銷爛不為實矣葉似薑宜陰翳地種之常依陰而生

古今注

種藁荷宜樹陰中二月種之一種永生不須鋤芸但加糞以土蓋糞上八月初踏其苗則根不濕茂九月初取其中傍生根者為菹亦可醬中藏之十月中以穀麥糠皮覆之不然即凍死二月即掃去糠居家必用

種甘露子法熟斫地宜肥良取子稀種三四尺一窠露下
後葉上得爾滴下盡為根子如螺形蒸煮之味如百合須
數芒之

同上

甘露子根狀如蚕故一名地蚕土人相傳種時不欲多人
知掘取時不欲聞人聲聞則所獲者少鎮江府志

白藜荷春初生葉似甘蕉根似姜而肥本草謂可以防蠱
亦可以辟蛇八閩通志福州

藜荷宜在林木陰下種之故古人云藜荷依陰時藿向陽
言各有所宜也葉似初生甘藷根似姜芽其葉冬枯其根
為菹亦可醬中藏古之為味者雜用膾炙切藜荷以為香

是為珍味大招曰醯豚苦狗膾直專只直專即藁荷也藁
荷有白有赤神農經書白藁荷今人乃呼赤者為藁荷白
者為覆藁葉同一種一種耳于人食之赤者為勝藥用白
者中蠱者服其汁并臥其葉即呼蠱主姓名亦主諸溪毒
沙蟲輩人家種中辟地蛇又有預知子傳云取二枚綴衣
領上遇蠱毒物則聞其有聲當便知之故名預知子若行
蠱毒之鄉食飲不可知非伏此何以愛身柳子厚種白藁
荷詩庶氏有佳草攻檜事久氓炎帝垂靈編言此珠足珍
尔雅翼

白藁荷微溫主中蠱毒及瘧陶隱居云今乃呼赤者為藁

荷白者為覆菰葉同一種耳于人食之赤者為勝藥用白者中蠱者服其汁并臥其葉即呼蠱主姓名亦主溪毒沙蟲輩多食損藥勢又不利脚人家種白蕒荷亦云辟蛇唐本註云根主諸惡瘡殺蠱毒根心主稻麥芒入目中不出者以汁注目中即出臣禹錫等謹按蜀本圖經云葉似初生甘蕉根似姜芽其葉冬枯藥性論云白蕒荷亦可單用味辛有小毒

圖經曰白蕒荷舊不註所出州土今荆蕒江湖間多種之北地亦有春初生葉似蕉甘根似姜而肥其根堪為茹其性好陰在木下生者尤美潘岳閑居賦云蕒荷依陰時藿

向陽是也宗僊歲時記曰仲冬以鹽藏萹荷以備冬儲又
以防蠱史游急就篇云萹荷冬日藏其味遠矣子室搜神
記云其外姊夫將士先得疾下血言中蠱家人密以萹荷
置其席下忽大笑曰蠱我者張小也乃收小小走自此解
蠱藥多用之周禮庶氏以嘉草除蠱毒宗僊以為嘉草即
萹荷也陳藏器云萹荷苗根為主蠱之最然有赤白二種
白者入藥昔人呼為覆道赤者堪噉及作梅果多用之古
方亦乾末水服主喉痺

衍義曰白萹荷八九月間淹貯之以備冬月作蔬果治治
療祇用白者

二月種甘露子一名地蚕宜肥地熟鋤取子稀種葉上露
珠滴下一點生一味其根皆如連珠蒸熟食之味如百合
又法用礬水渾過蜜煎味甚甜美水雲錄

白蘘荷微溫主中蠱及瘡有赤白二種根莖葉可為茹食
物本草

甘露子一名地蚕根如蚕稍長味甘平無毒食之無害可
作煎用不食柘葉不食桑何須走入地中藏不能作繭不
上簇如何也蒙賜湯浴呼我果謂之果呼我款謂之款唐
林兆錯莫逢他高陽酒徒咀爾不撓牙日用本草

地藕本名蘘荷即甘露子也太倉州志

地蚕生郊野麥園中葉如薄荷稍狹而尖亦微細欠光澤
根白色狀如蚕四月採根以滾湯淪之和以鹽酢可供菜
茹食物本草卽武志

蕺荷俗呼甘露子根如蚕蛹莖葉如薄荷能治蠱毒冬月
取根雜鹽菜藏之味極甘脆急就章曰老青蕺荷冬日藏
謂此松江府志

蕺荷有赤白二種陶弘景曰今人赤者為蕺荷白者為覆
葉食用亦者藥用白者其性好陰在木下者尤美故潘岳
閑居賦云蕺荷依陰時藿向陽也搜神記云蔣士先得疾
下血言中蠱家人密以蕺荷置其席下忽大笑曰蠱我者

張小也乃叔小故以此為治蠱之最周禮庶民掌除蠱毒以嘉草攻之宗慄謂嘉草即此也草木畧

丘文莊公群書抄方載中蠱毒用白蘘荷引柳子厚詩云云且曰子厚在柳州種之其地必有此種仕于此土者其物色之蓋亦不知為何物也余謂丘公之博洽而不識世之識者亦罕矣按松江志引急就章註曰白蘘荷即今甘露考之本草其形性正同

丹鉛總錄

萵苣

萵苣八月下種待長分栽以糞頻壅則肥大便民圖纂

萵苣有毒百虫不敢近蛇玩過其下觸之目即瞑人啖其毒以姜解之蘇州府志

萵數種有苦萵有白萵有紫萵皆可食葉有白毛為白毛為萵紫色為紫萵苦味為苦萵即野萵也又名福萵今人家常食者白萵也江外嶺南吳人無白萵但種野萵以供廚饌生食之所謂萵苣也農桑輯要云萵苣作畦下種如菠菜法但得生芽先用水種浸一日於濕地上布襯置子於上以盆碗合之候芽漸出則種春二月正月種之可為

常食秋社前一二日種者霜降後可為醃菜如欲出種正月二月種之九十日收其莖嫩如指大高可踰尺去皮蔬食又可糟藏謂之蒿笋生食又謂之生菜四時不可闕者王氏農書

鎮江等處多去皮醃藏點茶白而脆過者多買以歸饋客然聞人云此物能痿陽不宜多食允也

蒿苳有早晚二種中抽莖如笋遊齋間覽云本出蒿國

府志

江鎮

遊齋閑覽蒿苳出蒿國有毒百虫不敢近又有一種如蒿苳葉有白毛曰白苳八閩通志

要得遠觀莫食蒿苳瑣碎

王舜求云蒿菜出蒿國有毒百虫不敢犯蛇既過其下誤
觸之則目瞑不見物人有中者惟有生姜汁可解之續墨
客揮犀

蒿苳葉心抽臺名為蒿苳可糟食之味苦冷微毒可常食
患冷氣人不宜食主利氣堅筋骨久食疎利臟腑日用本草

蒿苳即生菜其莖微脆可食故今歛呼為蒿笋如過時則
莖有觔不可食太倉州志

蒿苳有毒百虫不敢近蛇既觸之目即瞑人中其毒以姜
解之鄉人亦解種藝松江府志

倭菜有二種皆可生食冬倭耐久春倭易生杖

吳化府志倭常作蒿

苦苣

苦苣味苦平除面目及舌下黃強力不睡折取莖中自汁
傳丁腫出根又取汁滴癰上立潰碎莖葉傳蛇咬根主赤
白痢及骨蒸並煮服之今人種為菜生食之久食輕身少
睡調十二經脉利五藏霍亂後胃氣逆煩生搗汁飲之雖
冷甚益人不可同血食為白苣江外嶺南吳人無白苣嘗
植野苣以供厨饌

苦苣野生者徧苣人家常食者曰白苣

草木畧

苦苣即田中野生者又名徧苣常食名曰苣外江嶺南吳
人無白苣常植野苣以供厨饌味苦平寒無毒同血食作

痔疾主除面目及舌下黃強力不睡折取莖中白汁傳痔
瘡莖葉傳蛇咬根主赤白痢及骨蒸並煮服之 日用本草

白苣

白苣味苦寒主補筋骨利五藏開胃膈擁氣通經脉止脾
氣令人齒白聰明少睡可常食之患冷氣人食即腹冷不
至苦損人產後不可食令人寒中小腸痛陳藏器云白苣
如蒿苣葉有白毛蒿苣冷微毒紫色者入燒煉藥用餘功
同白苣

白苣味苦寒一云平補筋骨利五藏開胃膈擁氣通經絡
止脾氣令人齒白聰明少睡可常食產後不可食令人寒

中小腸痛患冷人食即冷腹葉心抽莖名蒿筍或醃或糟
曝乾之甚佳一種蒿筍一種苦筍治丁腫諸痢食物本草
白筍葉如蒿筍上有白毛味苦寒無毒忌與酪乳蜜同食
令人生蠱虫產後不可食食令人寒中小腹痛主捕筋骨
利五藏開胃腸壅氣通經脉止脾氣令人齒白聰明日用
本草

蕈 石耳附

蕈即菌也多生松陰湿地生春日有毒冬日無毒味肥脆
蔬食之最吳邑志

香蕈惟溪山至陰之處在在有之其法用乾心木揪攪木
名曰蕈榻先就溪山下斫倒仆地用斧班駁剝木皮上候
陰濕經二年始間出至第三年蕈乃徧出每經立春後地
氣發泄雷雨震動則交出木上始採取以竹篾穿掛焙乾
至秋冬之交再用工徧木敲擊其蕈間出名曰蕈蕈蕈惟經
雨則出多所製亦如春法但不若春蕈之厚耳大率厚而
小者香味俱勝又有一種遶當請風向日處間出小蕈就

木上自乾名曰日葦此葦尤佳但不可多得今春葦用日
晒乾同謂之日葦香味亦佳救固雜記

湖南百姓郊外得一菌甚大獻于府主有僧云此物至毒
慎勿入口於所獲之處掘之有蟄蛇千餘條有寺僧市野
堪有黑而斑者有黃白而赤者為齋食衆僧悉吐瀉有死
者有醫士曰掘地作坑以新汲水投坑中撓之澄清名曰
地漿飲之其毒即解大葦菌生樹者曰葦生地者曰菌皆
濕氣鬱蒸而生又有生于腐骸毒蛇之上大而光明人誤
以為靈芝而速死同上

葦即葦多生西山松林下二月者名雷葦葦其色赤者名

猪血葷味皆鮮美姑蘇志

葷即菌也本草云地生為菌木生為櫛江東呼葷冬白無毒以醋藏之蘇州府志

生葷菌法取爛朽木及葉於地下埋之常以米泔澆之令濕三兩日後即生炒脯食之甚美本是朽木亦不損人一法畦中下爛糞取朽木長六七寸截斷掟碎如種菜法於畦中勻布土蓋水澆常令潤如初有小菌即摧之明日又出亦摧三度後出甚大收食之最佳此是山人良法神隱菌子說文云葷也爾雅曰中馱菌率皆朽株濕氣蒸氤而生中原呼菌為菌又謂莪又一種謂之天花桑樹上生

呼為桑菰施之素食最佳雖南北異名而其用則一今江南山中松下生者名為松滑誠齋云傘不如笠釘勝笠蓋愈嫩愈美風味過于他葷又有紫葷白葷二種尤佳朱文公詩云誰將紫芝苗種此槎上土便學鸛山翁風餐謝肥翔言紫葷之美也又詩云聞說閬苑風瓊田產玉芝不收雲露表烹淪詎相宜此言白葷之美也深山中多有之菌之種不一名亦如之野菌如赤菰黃耳皆可食然辨之不精多能毒人雖甘無益也不復具載

種菌法四時類要云三月種菌子取爛楮木及葉於地理之常以泔澆灌之三二日即生又法畦中下爛糞取楮可

長六七寸截斷搥碎如種菜法勻布上蓋日澆潤之令常
濕隨生隨食可供常饌今山中種山中種香蕈亦如此法
但取向陰地擇其所宜木等樹伐倒用斧碎坎成坎以
土覆壓之經年樹朽以蕈碎剉勻布坎內謂之驚蕈雨雪
之餘天氣蒸煖則蕈生矣雖踰年而獲以繼取及土覆之
時用泔澆灌越數時則以槌捧擊樹利利則堪博采訖遺
種在內來歲仍發復相地之宜易歲代重新採趣生煮食
香美曝乾則為乾香蕈今深山窮谷之民以此代耕殆天
出此品以遺其利也 王氏農書

種構園子

一作菌

取爛構木及葉于地下埋之嘗以米泔澆

之令濕三兩日後即生炒脯食之甚美本是樸木亦不損
人別本云畦中下爛糞取樸木長六七寸截斷搥碎如種
菜法于畦中勻布土蓋水澆常令潤如初有小既耙摧之
明旦又出亦摧之三度後出甚大收食之脯炒從便居家
必用

竹葦生叢篠中柔白如菌人食之先以灰煮其汁如血去
汁再煮味殊佳宋陳仁玉菌譜云生竹根味極甘當与笋
通譜而菌為北阮矣 九華志

葦亦有數種惟茅山玉葦為勝鎮江府志

有菌甚鮮美作羹其味未有逾於此者雷過即生洵疾時

稍遲非腐則老故呼為雷菌亦有曝乾作腊雖佳不如鮮烹者遠甚予謂即滇南之雞棕燕窠之屬但此物不多產耳日詢手鏡

爾雅云蕈似蓋亦名菌俗謂之蕈其品不一胭脂蕈生山林平沃地面鮮紅而光澤其底與莖俱白色香蕈蕈生溪林腐木上味極香美木耳蕈亦生木上八閩

紅蕈俗呼朱蕈即胭脂蕈也同上

菌一名地蕈熟可食生則毒人中其毒者用生脂麻搗酒服之即愈同上

重蕈出仙游九座山土人以為佳品掃蕈如鹿角菜而大

黃白色味亦佳同上

菌者爵蒸之氣所發多生山谷竹筴幽潤之所白者名玉
蕈最貴黑者茅蕈赤者名竹荪皆下品也蘇子瞻與參寥
行智果園得黃耳蕈詩云老櫓忽生黃耳蕈故人魚致白
芽姜別有一種毒蕈形似而味美食之殺人宋乾道初靈
隱寺後生一蕈圓絰二尺紅潤可愛寺主驚喜以為珍品
不敢食獻于楊郡王王亦奇之曰是當為玉食奏進于孝
宗詔以味美宜供佛復賜靈隱寺蓋朝廷初不知其出於
寺也復持至寺盛之以盤紅日頗有汁液沾濡兩犬爭舐
之一時狂死寺主大驚曰狗入天廚必遭誅戮亟瘞諸地

楮

蓋萬乘所御自有神獲而楊王尤貴人寺主不私口腹皆得免意外之禍又有員頭而細脚者名為丁輩元時松陽楊渠南者滑稽士也與僧道元食丁輩戲作詩曰頭子光光脚似丁祇宜豆腐與波梭釋伽見了呵呵笑煮殺許多行脚僧

西湖游覽志

香蕈畬人所摘樹倒地生輩俗呼曰蕈菜食中以為佳品

漳州府志

菌不可妄食建寧縣山石間生一菌大如車蓋鄉民異取之以為食者輒死凡菌為美照人無影者不可食食殺人又有菌叢生於朽木或糞壤上其形如瑞芝潔白可

爰夜則有光可以鑑物

墨客揮犀

江南諸山郡中大樹斷倒者經春夏生菌謂之椹食之有味而忽毒殺人云此物徃徃自有毒者或云蛇所着之楓樹生者啖之令人笑不得止治之飲土漿即愈

博物志

雙爰菌類也惟永昌所產為美且多雲南亦有頗粗永昌以東至永平縣界尤多但鎮守索之動百斤夷人製之鹵奔故通不可食此物惟六月大雷後斯出于山中或在松下或在林間不定也出一日採者柔小而嫩五六日即爛矣米得洗取土量以鹽煮烘乾少有烟即不堪食采後過夜則香味俱盡所以為難難以其形言爰飛而歛足貌雞

作蟻全誤變作璫以為菌亦通南園漫錄

香蕈此不種而生者按本草木生為蕈地生為菌番禺人總呼曰蕈此香蕈是種畚人斫倒楠樹在地而生者最為最為佳品其他在樹下或在地其種不一在地而生者多毒往往殺人凡煮蕈宜切薑及投飯粒以誠之薑飯黑則有毒不可食不黑食之無妨本草謂中蕈毒忽撓地漿或大蕈及甘草汁飲之可解吳化府志

蕈地生者為菌木生者為樗江南人呼為菌味鹹甘平微溫小毒主心痛溫中去蛇螫毒烟虫寸白虫諸虫今世所通用者一曰蕈子生於溪山爛楓木上小於菌而薄黃黑

色味甘香美者為香蕈最為佳品有一種曰雞腿蕈其
他或在地或在樹地生者多毒往々殺人土人自能識凡
夜有光者煮不熟煮訖其湯照人無影欲爛無虫者俱有
毒夏秋者多毒以蛇虫行故也此物皆濕熱化生之物煮
之宜切以薑及投飯粒試之如黑則有毒否則食之無害
本草註為九菌皆發五藏癰結動痔病昏多睡背膊四
肢無力又多發冷氣大抵食之不甚益人也食物本草

天花蕈形如松花大而香氣足如蕈出五臺山味甘無毒
食之甚美不入方用時人珍重之

日用本

邑極西帶羗山高巒秀異寒極雪收林木堅瘦春氣微欲

動土松芽活此菌侯菌質外褐色肌理玉潔芳薌韻味發
釜鬲聞百步外蓋菌多種例柔美皆無香獨合葷香與味
稱舊傳昔常上進標以台葷上進見誤讀因承誤云數十
年來既充苞貢山獠得善賈率曝乾以售罕或生致色益
溪山中亦同時產惟葷柄高無香氣土人以是別于葷菹

陳仁王葷譜下同
合葷

稠膏葷邑仙西北子孟溪山皆遠深莫測秋中山氣重霏雨
零露浸釀山膏木腴蓓為菌花戢戢多生山頂高樹杪初
如圓珠瑩類輕酥滴乳淺黃白色味充甘勝已乃傘張大
幾掌味頓渝矣春時亦間生不能多稠膏得名土人謂稠

水膏液所生耳合葦他邦猶或有此菌獨此邑此山所產
故尤可貴鬻法當徐下鼎瀋同滾沸瀉起謹勿七撓撓則
涎腥不可食性參和衆味而特全于酒烹香既調溫厚滑
甘雉尾萐不足道也或欲致遠則復湯蒸熟貯之瓶甕然
其味去出山遠矣

栗殼葦寒氣至稠膏將盡栗殼免者則其續也尚有典刑焉
松葦生松陰採無時凡物松出無不可愛松葉與脂伏靈琥珀皆
松尚也昔之遁山服食求長年者寔松爲依人有病溲濁不禁者
偶掇松下菌病良已此其效也

竹蘆生竹根味極甘當與笋通譜而菌爲北苑矣

麥葷生溪邊沙壤鬆土中俗名麥丹葷未詳味殊美絕類北方麻姑葷品最優

玉葷生山中初寒時色潔皙可愛故謚為玉然作羹微朝俗名寒蒲葷

黃葷叢生山中莖蔚黃色俗名黃讚葷又有名黃批者殊峭硬有味

紫葷類紫色亦山中產俗名紫富葷品為下

四季葷生林木中味甘而肌理麤峭不入品

鷺葷葷生高山狀類鷺子久乃織開味殊甘滑不謝稠膏然與社葷相似社葷者生土中俗言毒蟲氣所成食之殺人甚美有惡食

在所熟凡中其毒者必笑解之宜以苦茗雜白礬勺新水併咽之
無不立愈菌譜

雷薑出沿海早蕩間雷初鳴有雷幅員三五丈名雷綿薑生綠中
故名味類麻姑微溫有小毒瑣碎錄下無紋者有毒忘懷錄以生
薑同煮色變者有毒中者掘黃土地深尺餘投新汲水其中熟攪
俟稍澄挹取飲之乃解方書所謂地漿也松江府志

爾雅曰中馗晉達菌註地菌也今江東名為土菌亦曰馗厨可啖之
小者菌註大小異名疏此辨菌大小之異名也大者名中馗小者
即名菌說文云葷桑要也謂菌生木上也今云地葷即俗呼地菌
者是也

木耳

凡木上所生者曰木耳主益氣輕身強志一云平利五臟宣腸胃
氣排毒氣壓丹石熱又主血衄不可多食桑椹上者佳餘動風氣
發痼疾令助下急損經絡今背膊悶楓木上者食之令人笑不止
地漿解之一人患痔諸藥不效用木耳同它物煮羹食而愈極驗
但它物今失記矣桑耳味甘有毒黑者主女子赤白帶下癥瘕陰
痛陰陽寒熱無子月水不調其黃熟白者止洩益氣金色者治癰
飲精聚一云寒無毒主消渴又云甘辛又云微溫毒止腸風瀉血
婦人心腹痛治五痔柘木上者次於桑椹耳主五痔心痛女子陰
中瘡痛又治風破血益力楮耳人常食之并榆柳耳名具五耳而

功用無所另著餘木俱有耳若木之氣性本良者亦可食

木耳此有五耳槐耳療痔瘡榆桑柳並以軟者堪食餘木生者發
痼疾動風不可多食味甘寒無毒服丹石人發熱和葱豉煮作羹
食之即止主利五臟益腸胃熱壅毒氣日用本草

竹姑春初雨過則漫山皆紅柔嫩甘鮮尤可茹陳子高有吐飯爛
班竹姑赤蓋二物同時而出皆珍味也昆陵志

香蕈生深山香滑而味全初出為奇品新城所出尤多楊廷芳詩
云空山一雨山溜急澤流桂子松花汁土膏鬆暖都滲入蒸出菌
花團戢戢戴穿落葉忽起立撥開落葉百數十蟬面黃紫光欲濕
酥差嬌脆手輕拾形如鷲掌味如蜜滑似專絲無點澁傘不如笠

釘勝笠香留齒牙麝莫及羊羔楮鷄避席揖餐玉如芝當却粒作羹不可疎一日作脂仍堪贈盈笈建昌府志

五木耳曰櫛蘇恭云楮槐榆柳桑之耳也其桑耳曰桑菌曰木麥曰桑巨曰桑黃草木各

天菜狀如木耳而嫩亦出草蕩間夏月驟雨過則有之松江府志

石耳

石耳石崖上所生者出天台山廬山等名山靈苑方中名曰靈芝
味甘平無毒久食延年益顏色至老不改令人不飢大小便亦少
云性冷食物本草

石耳烟嵐遠望如烟出河南四明天台宣州黃山巴西遼陵岩間
有之靈苑方中名曰靈芝味甘平無毒彼人不知其神採為菜食美
久服延年益色至老不改令人不飢苦無大小便日用本草

石耳可茹生廬山五老峯巔取之甚難九江府志

樹衣

樹衣金華山中多有之僧家以為蔬味極美貫休詩云僧採樹衣
臨絕壑是也

霏雪錄